

Կազմված է 21.09.2020թ.

ՏՊԱԳՐՎԱԾ Է ԸՆԴԱՄԵՆԸ 2 ՕՐԻՆԱԿԻՑ
ՕՐԻՆԱԿ 1

ՀԱՍՏԱՏՎԱԾ Է

ԳՐԱՆՑՎԱԾ Է

«ՀԱՆՈՒՆ ՀԱՆՐԱՊԵՏՈՒԹՅԱՆ
ԺՈՂՈՎՐԴԱՎԱՐՈՒԹՅԱՆ
ՊԱՇՏՊԱՆՆԵՐԻ ԴԱՇԻՆՔ»
ԿՈՒՍԱԿՑՈՒԹՅԱՆ

ՀՀ ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՌԵԳԻՍՏՐԻ ԳՈՐԾԱԿԱԼՈՒԹՅԱՆ ԿՈՂՄԻՑ

ԳՐԱՆՑՄԱՆ ՀԱՄԱՐ 211/172 1167503

«21» ՍԵՊՏԵՄԲԵՐ 2020թ.

ՀԱՐԿ ՎՃԱՐՈՂԻ ՀԱՇՎԱՌՄԱՆ ՀԱՄԱՐ


ՀԻՄՆԱԴԻՐ ՀԱՄԱԳՈՒՄԱՐԻ
ԿՈՂՄԻՑ

02838503

«12» Տեպրվրի 2021թ.

ԿԱԶՄԱԿԵՐՊՈՒԹՅԱՆ ՂԵԿԱՎԱՐ
ՄԱՐՄՆԻ ՆԵՐԿԱՅԱՑՈՒՑԻՉ՝

ՊԵՏԱԿԱՆ ՌԵԳԻՍՏՐԻ ԳՈՐԾԱԿԱԼՈՒԹՅՈՒՆ


(ստորագրություն) (անուն, ազգանուն)




ԿԱՆՈՆԱԴՐՈՒԹՅՈՒՆ

«ՀԱՆՈՒՆ ՀԱՆՐԱՊԵՏՈՒԹՅԱՆ
ԺՈՂՈՎՐԴԱՎԱՐՈՒԹՅԱՆ ՊԱՇՏՊԱՆՆԵՐԻ ԴԱՇԻՆՔ»
ԿՈՒՍԱԿՑՈՒԹՅԱՆ

ԸՆԴՀԱՆՈՒՐ ԴՐՈՒՅԹՆԵՐ

- 1.1. «Հանուն Հանրապետության ժողովրդավարության պաշտպանների դաշինք» կուսակցությունը (այսուհետ՝ Կուսակցություն) Հայաստանի Հանրապետության քաղաքացիների կամավորության հիմունքներով ձևավորված միավորում է, որի նպատակը հանրաքվեներին, պետական և տեղական ինքնակառավարման մարմինների ընտրություններին մասնակցելու և հասարակության ու պետության քաղաքական կյանքին մասնակցության այլ ձևերով ժողովրդի քաղաքական կամքի ձևավորմանն ու արտահայտմանը նպաստելն է:
- 1.2. Կուսակցության գործունեության հետ կապված հարաբերությունները կարգավորվում են Հայաստանի Հանրապետության Սահմանադրությամբ, միջազգային պայմանագրերով, «Կուսակցությունների մասին» Հայաստանի Հանրապետության սահմանադրական օրենքով, Հայաստանի Հանրապետության այլ օրենքներով, սույն կանոնադրությամբ, ինչպես նաև Կուսակցության ծրագրերով:
- 1.3. Կուսակցության անվանումն է՝
«Հանուն Հանրապետության ժողովրդավարության պաշտպանների դաշինք» կուսակցություն, հապավումը՝ ՀՀԺՊԴԿ , կրճատ անվանումը՝ «Հանուն Հանրապետության» կուս.:
- 1.4. Կուսակցության իրավաբանական հասցեն է՝ Հանրապետության 242, ք. Երևան, Հայաստանի Հանրապետություն:

2. ԿՈՒՍԱԿՑՈՒԹՅԱՆ ԳԱՂԱՓԱՐԱՅԻՆ ՀԵՔԸ, ԳՈՐԾՈՒՆԵՈՒԹՅԱՆ ՍԿԶԲՈՒՆՔՆԵՐՆ ՈՒ ՆՊԱՏԱԿՆԵՐԸ

- 2.1. Կուսակցության գործունեություն է ծավալում առաջնորդվելով ժողովրդավարական սկզբունքներով, ինչպես նաև սույն կանոնադրությամբ և ծրագրային փաստաթղթերում արտացոլված գաղափարախոսությունով, նպատակներով, խնդիրներով և այլ հանգամանքներով:
- 2.2. Կուսակցության գործունեությունը հիմնվում է անդամության կամավորության, անդամների իրավահավասարության, սեռից, ռասայից, մաշկի գույնից, գույքային վիճակից, ծնունդից, հաշմանդամությունից, տարիքից կամ անձնական կամ սոցիալական բնույթի այլ հանգամանքներից կախված խտրականության արգելման, կուսակցության անկախության, քաղաքականության ապակենտրոնացման, ինքնակառավարման, կոլեգիալության, մասնակցայնության, գործունեության թափանցիկության, հրապարակայնության և հաշվետվողականության սկզբունքների վրա:
- 2.3. Կուսակցության նպատակն է հանրաքվեների, պետական և տեղական ինքնակառավարման մարմինների ընտրություններին մասնակցելու և հասարակության ու պետության քաղաքական կյանքին մասնակցության այլ ևերով ժողովրդի քաղաքական կամքի ձևավորմանն ու արտահայտմանը նպաստելու միջոցով, Կուսակցության ծրագրով հռչակած արժեքների պահպանմամբ, ինքնիշխան, անկախ և ժողովրդավարական պետության ամրապնդումը, մրցունակ քաղաքական համակարգի ստեղծմանը նպաստելը, մարդու իրավունքների պաշտանությունն ու բարեկեցության ապահովումը, ճկուն արտաքին քաղաքականության վարումը, անկախ և արդար դատական իշխանության ստեղծումը, հզոր տնտեսության կայացումը:

3. ԿՈՒՍԱԿՑՈՒԹՅԱՆՆ ԱՆԴԱՄԱԿՑԵԼՈՒ ԵՎ ԱՆԴԱՄՈՒԹՅՈՒՆԸ ԴԱԴԱՐԵՑՆԵԼՈՒ ՊԱՅՄԱՆՆԵՐՆ ՈՒ ԿԱՐԳԸ

3.1. Կուսակցությանն անամակցությունը կամավոր է և անհատական:
Կուսակցության անդամներ կարող են լինել տասնութ տարին լրացած
Հայաստանի Հանրապետության գործունակ քաղաքացիները:

3.2. Կուսակցությանն անդամակցությունը կատարվում է Կուսակցության
ղեկավար մարմնի որոշմամբ՝ քաղաքացու դիմումի հիման վրա: Դիմումի ձևը
հաստատում է կուսակցության ղեկավար մարմինը:

3.3. Կուսակցությանն անդամության նախապայմաններն են՝

3.3.1. Թեկնածուն համապատասխանում է օրենքով նախատեսված
պահանջներին:

3.3.2. Թեկնածուն չի հանդիսանում այլ կուսակցության անդամ կամ
անդամության թեկնածու:

3.3.3. Թեկնածուն կրում և կիսում է Կուսակցության կոմից հայտարարած
գաղաարախոսությունը, սկզբունքները և արժեհամակարգը, համաձայն է
գործող կանոնադրության պահանջներին, ծրագրային դրույթներին և
ծանոթ է դրանց:

3.4. Կուսակցության անդամակցության թեկնածուի նկատմամբ հավելյալ
պահանջներ, ինչպես նաև անդամակցության թեկնածության քննարկման,
դրա դադարման և փորձաշրջանինշանակման կարգը սահմանվում են
կուսակցության ղեկավար մարմնի կողմից:

3.5. Կուսակցությանն անդամությունը դադարում է ղեկավար մարմնի որոշմամբ՝

3.5.1. Օրենքով սահմանված դեպքերում:

3.5.2. Կուսակցության անդամի դիմումի հիման վրա:

3.5.3. Կուսակցության անդամի նկատմամբ, 6 ամսվա ընթացքում 2-րդ
անգամ կարգապահական տույժի կիրառման դեպքում:

3.5.4. Կուսակցության անդամը ինչ-որ պահի դադարել է համապատասխանել

Կուսակցության անդամին ներկայացվող պահանջներին:

3.5.5. Կուսակցության անդամի մահվան դեպքում:

3.5.6. Կուսակցությունը լուծարվելու դեպքում:

4. ԱՆԴԱՄՆԵՐԻ ԻՐԱՎՈՒՆՔՆԵՐԸ և ՊԱՐՏԱԿԱՆՈՒԹՅՈՒՆՆԵՐԸ

4.1. Կուսակցության անդամներն սահմանված կարգով իրավունք ունեն՝

4.1.1. ընտրելու և ընտրվելու տվյալ կուսակցության ու նրա տարածքային ստորաբաժանումների ղեկավար և վերահսկողություն իրականացնող մարմիններում,

4.1.2. ներկա լինելու կուսակցության համագումարի նիստերին, ծանոթանալու կուսակցության մարմինների արձանագրություններին, ստանալու նրանց ընդունած որոշումների պատճենները,

4.1.3. տեղեկատվություն ստանալու կուսակցության ու նրա ղեկավար մարմինների գործունեության վերաբերյալ, ստանալու փաստաթղթերի պատճեններ՝ կուսակցության կանոնադրության փոփոխությունների, գույքի կառավարումից ստացած դրամական միջոցների վերաբերյալ,

4.1.4. ինչպես նաև ստանալու կուսակցության ֆինանսական հաշվետվությունների աուդիտն իրականացրած անկախ աուդիտորի եզրակացությունը,

4.1.5. բողոքարկելու կուսակցության մարմինների որոշումներն ու գործողությունները,

4.1.6. կամովին դադարեցնելու իրենց անդամակցությունը Կուսակցությանը:

4.2. Կուսակցության անդամները պարտավոր են՝

4.2.1. Գործել բացառապես Կուսակցության կոմից հայտարարած գաղաարախոսության, սկզբունքների և արժեհամակարգի շրանակներում,

կանոնադրության պահանջներին, ծրագրային դրույթներին
համապատասխան

4.2.2. Կուսակցության ղեկավար մարմնի կողմից սահմանված կարգով և
չափով կատարել անդամավճարները

4.2.3. Հետևել և կատարել Կուսակցության կանոնադրության և ղեկավար
մարմնի կողմից սահմանված պահանջների կատարմանը

5. ԿՈՒՍԱԿՑՈՒԹՅԱՆ ԿԱՌՈՒՑՎԱԾՔԸ

5.1. Կուսակցության մարմիններն են՝

5.1.1. Կուսակցության համագումարը,

5.1.2. Կուսակցության Ղեկավար մարմինը (այսուհետ՝ ղեկավար մարմին):

5.1.3. Ավագների խորհուրդը:

5.1.4. Կուսակցության վերահսկող հանձնաժողովը (այսուհետ՝ վերահսկող
մարմին):

5.1.5. Տարածքային ստորաբաժանումները:

6. ԿՈՒՍԱԿՑՈՒԹՅԱՆ ՀԱՄԱԳՈՒՄԱՐԸ, ՀԱՄԱԳՈՒՄԱՐԻՆ ՄԱՍՆԱԿՑՈՂ ՊԱՏՎԻՐԱԿՆԵՐԻ ԸՆՏՐՈՒԹՅԱՆ ԿԱՐԳԸ ԵՎ ՀԱՄԱԳՈՒՄԱՐԻ ԳՈՐԾՈՒՆԵՈՒԹՅԱՆ ԿԱՐԳԸ

6.1. Կուսակցության բարձրագույն ղեկավար մարմինը կուսակցության
համագումարն է: Համագումարի բացառիկ իրավունքներն են՝

6.1.1. Կուսակցության կանոնադրության հաստատումը և ծրագրի ընդունումը,
դրանցում փոփոխություններ և լրացումներ կատարելը,

- 6.1.2. ղեկավար և վերահսկողություն իրականացնող մարմինների կազմավորումը, դրանց անդամների թվի հաստատումը և ընտրությունը:
Վերահսկող մարմնի անդամներն ընտրվում են չորս տարի ժամկետով:
- 6.1.3. սույն կանոնադրությամբ սահմանված կարգով ղեկավար մարմնի ղեկավարի ընտրությունը:
- 6.1.4. կուսակցության վերակազմակերպումը և լուծարումը:
- 6.1.5. համագումարի լիազորությունները սահմանվում են օրենքով և սույն կանոնադրությամբ:
- 6.2. Կուսակցության համագումարն իրավասու է քննարկելու իր որոշմամբ սահմանված ցանկացած հարց, որի վերաբերյալ որոշում կայացնելու իրավունքը օրենքով կամ կանոնադրությամբ վերապահված չէ այլ մարմնի:
- 6.3. Համագումարին մասնակցող պատվիրակ (այսուհետ՝ Պատվիրակ) կարող են ընտրվել միայն կուսակցության անդամ հանդիսացող անձանց թվից:
- 6.4. Պատվիրակ ընտրվում են՝
- 6.4.1. Տարածքային ստորաբաժանման ընդհանուր ժողովի կողմից՝ Ղեկավար մարմնի կողմից սահմանված կարգով և համամասնությամբ:
- 6.4.2. Ղեկավար մարմնի որոշմամբ:
- 6.5. Պատվիրակների ցուցակը հաստատում է Ղեկավար մարմինը:
- 6.6. Համագումարը լինում է հերթական, արտահերթ կամ հրատապ:
- 6.7. Հերթական համագումարը.
- 6.7.1. Հերթական համագումարը հրավիրվում է Ղեկավար մարմնի կողմից, նրա որոշմամբ: Հերթական համագումարի օրակարգը առաջարկում է Ղեկավար մարմինը:
- 6.7.2. Հերթական համագումարը հրավիրվում է չորս տարին մեկ անգամ:
- 6.7.3. Հերթական համագումարի անցկացման օրվա, ժամի, վայրի և առաջարկվող օրակարգի վերաբերյալ տեղեկությունները հրապարակվում են Կուսակցության պաշտոնական կայքէջում

(առկայության դեպքում) կամ այլ տեղեկությունների տարածման հարթակներում, ինչպես նաև տեղեկությունները հասանելի են դարձնում անդամներին՝ իրենց կողմից տրամադրած էլեկտրոնային հասցեի միջոցով: Սույն կետով նախատեսված տեղեկությունները հասանելի են դարձվում ոչ ուշ քան համագումարի անցկացման օրվանից 30 օր առաջ:

6.8. Արտահերթ համագումարը.

6.8.1. Արտահերթ համագումար հրավիրվում է եթե՝

6.8.1.1. Առկա է Տարածքային ստորաբաժանման կեսից ավելիի պահանջ՝ հստակ օրակարգով: Այս դեպքում Ղեկավար մարմնի սահմանված կարգով ներկայացված համապատասխան պահանջը և հիմնավորումը ստանալուց հետո 7 օրվա ընթացքում հրավիրվում է Ղեկավար մարմնի նիստ՝ կայացնելու արտահերթ համագումարի անցկացման վերաբերյալ որոշում՝ օրակարգում ներառելով առնվազն պահանջով ներկայացված հարցերը: Արտահերթ համագումարը անց է կացվում դրա մասին որոշումն ընդունելուց հետո 10 օրվա ընթացքում:

6.8.1.2. Համապետական ընտրություններին նախորդող 6 ամսվա ընթացքում չի կայացել համագումար: Այս դեպքում համագումարն անց է կացվում ոչ ուշ քան ընտրությունների օրվանից 3 ամիս առաջ

6.8.1.3. Ղեկավար մարմնի որոշմամբ

6.8.2. Հրատապ համագումարը

6.8.2.1. Անհետաձգելի հարցերով կարող է հրավիրվել հրատապ համագումար: Հրատապ համագումար հրավիրվում է Ղեկավար մարմնի կողմից դրա վերաբերյալ որոշումը կայացվելուց հետո եռօրյա ժամկետում

6.9. Համագումարն իրավազոր է, եթե ներկա է Պատվիրակների ընդհանուր թվի առնվազն կեսը, բայց ոչ պակաս, քան 100 Պատվիրակ:

- 6.10. Համագումարը վարում է Ղեկավար մարմնի կողմից որոշված Ղեկավար մարմնի անդամը: Համագումարը նիստն արձանագրելու համար իր կազմից ընտրում է քարտուղար, իսկ ձայների հաշվարկի համար՝ ժամանակավոր հաշվիչ հանձնաժողով՝ յոթ անդամի կազմով: Ժամանակավոր հաշվիչ հանձնաժողովն իր կամից ընտրում է նախագահ և քարտուղար:
- 6.11. Համագումարի որոշումները, բացառությամբ Օրենքով նախատեսված դեպքերի, ընդունվում են Համագումարին ներկա Պատվիրակների ձայների պարզ մեծամասնությամբ:
- 6.12. Կանոնադրության նախագծի հաստատման և Ծրագրի ընդունման, դրանցում փոփոխություններ և լրացումներ կատարելու, Ղեկավար մարմնի և վերահսկող մարմնի անդամների ընտրության, Ղեկավար մարմնի ներկայացուցչի ընտրության, Կուսակցության վերակազմակերպման, լուծարման մասին որոշումներն ընդունվում են ընտրված Պատվիրակների ընդհանուր թվի ձայների մեծամասնությամբ:
- 6.13. Համագումարի որոշումներն ընդունվում են բաց քվեարկությամբ՝ բացառությամբ Ղեկավար մարմնի անդամների, դրա ներկայացուցչի և վերահսկող մարմնի անդամների ընտրության, որոնք անց են կացվում գաղտնի քվեարկության ընթացակարգով:
- 6.14. Համագումարը անց է կացվում բաց ռեժիմով, եթե դրա մասին չի կայացվել այլ որոշում:
- 6.15. Համագումարի որոշումներն ուժի մեջ են մտնում կայացման պահից:
- 6.16. Ղեկավար և վերահսկող մարմինների անդամների քվեարկության արդյունքները հրապարակում է ժամանակավոր հաշվիչ հանձնաժողովի նախագահը, մնացած դեպքերում՝ համագումարի վարողը:
- 6.17. Համագումարի որոշումների հրապարակվում են Կուսակցության պաշտոնական էջում:

6.18. Համագումարի արձանագրությունները պահպանվում են անժամկետ:

7. ՂԵԿԱՎԱՐ ՄԱՐՄԻՆԸ

7.1. Ղեկավար մարմինը Կուսակցության մշտական գործող ղեկավար (գործադիր) մարմինն է, որը Կուսակցության անունից իրականացնում է նրա՝ որպես իրավաբանական անձի լիազորությունները և Կուսակցության ընդհանուր ղեկավարումը:

7.2. Ղեկավար մարմնի անդամներն ընտրվում են Համագումարի կողմից վարկանիշային քվեարկությամբ՝ առավելագույնը երեք տարի ժամկետով:

7.3. Ղեկավար մարմնի անդամի լիազորությունների վաղաժամկետ դադարման դեպքում Ղեկավար մարմնի կազմը չի համալրվում:

7.4. Եթե Ղեկավար մարմնի անդամների լիազորությունների ժամկետները լրացել են, սակայն Ղեկավար մարմնի նոր անդամներ դեռ չեն ընտրվել, ապա Ղեկավար մարմնի անդամների լիազորությունները շարունակում են գործել մինչև Ղեկավար մարմնի նոր անդամների ընտրվելը:

7.5. Ղեկավար մարմնի անդամը չի կարող լինել Վերհսկող մարմնի, Տարածքային ստորաբաժանման անդամ կամ Տարածքային ստորաբաժանման վերահսկող (այսուհետ՝ Վերահսկող):

7.6. Ղեկավար մարմինը՝

7.6.1. իրականացնում է կուսակցության ընդհանուր ղեկավարումը.

7.6.2. հաստատում է Կուսակցության տարեկան բյուջեն.

7.6.3. հաստատված տարեկան բյուջեի հիման վրա հաստատում է Կուսակցության ծախսերի նախահաշիվը.

7.6.4. սահմանում է ընթացակարգեր, ներքին կարգապահական կանոններ և ընդունում կուսակցության համար արտադիր ներքին ակտեր

7.6.5. Կուսակցության անունից կնքում է քաղաքացիաիրավական գործարքներ.

- 7.6.6. իր կազմից ընտրում և Համագումարի քվեարկությանն է ներկայացնում Ղեկավար մարմնի ներկայացուցչի թեկնածուին.
- 7.6.7. Ղեկավար մարմնի ներկայացուցչի առաջարկությամբ նշանակում է Ղեկավար մարմնի ներկայացուցչի երկու տեղակալներին.
- 7.6.8. սահմանում է անդամավճարի չափը, վճարման կարգը և ժամկետները.
- 7.6.9. որոշում է կայացնում Համագումար հրավիրելու մասին և հաստատում է Համագումարի օրակարգի նախագիծը.
- 7.6.10. որոշում է Կուսակցության աշխատակազմի հաստիքացուցակը և դրույքաչափերը.
- 7.6.11. որոշում է ընդունում Տարածքային ստորաբաժանումներ ստեղծելու և լուծարելու մասին, ինչպես նաև հաստատում է դրանց կանոնակարգերը.
- 7.6.12. որոշում է ընդունում Կուսակցությանն անդամակցելու, Կուսակցության անդամակցությունը դադարեցնելու և Կուսակցության անդամի նկատմամբ կարգապահական պատասխանատվության այլ միջոցներ կիրառելու մասին.
- 7.6.13. ընդունում է որոշումներ Կուսակցության գործունեությանն առնչվող այլ հարցերի վերաբերյալ՝ բացառությամբ նրանց, որոնք Համագումարի կամ այլ մարմինների բացառիկ իրավասությունն են.
- 7.6.14. Կուսակցության անունից հանդես է գալիս հայտարարություններով.
- 7.6.15. հաստատում կամ մերժում է Տարածքային ստորաբաժանման ղեկավարի թեկնածուի վերաբերյալ առաջարկությունը.
- 7.6.16. ընդունում է որոշում Տարածքային ստորաբաժանման ղեկավարի պաշտոնանկության վերաբերյալ.
- 7.6.17. հաստատում է տեղական ինքնակառավարման մարմինների ընտրություններում Կուսակցության թեկնածուներին և ավագանու ընտրությունների համամասնական ցուցակները.

- 7.6.18. հաստատում է Հայաստանի Հանրապետության Ազգային ժողովի արտահերթ ընտրությունների համամասնական ցուցակը.
- 7.6.19. հաստատում է Համագումարի Պատվիրակների ցուցակը.
- 7.6.20. հաստատում է Ավագների խորհրդի անդամների թեկնածուների ցուցակը.
- 7.6.21. հաստատում է Վերահսկողի թեկնածուներին.
- 7.6.22. իրականացնում է Օրենքով և Կանոնադրությամբ իրեն վերապահված այլ իրավասություններ:
- 7.7. Ղեկավար մարմնի հերթական նիստը գումարվում է Ղեկավար մարմնի սահմանված օրերին և ժամերին՝ Ղեկավար մարմնի ներկայացուցչի առաջարկած օրակարգով: Ղեկավար մարմնի հերթական նիստերի անցկացման ժամանակացույցի կամ վայրի փոփոխության դեպքում Ղեկավար մարմնի անդամները պատշաճ ծանուցվում են ողջամիտ ժամկետում:
- 7.8. Ղեկավար մարմնի արտահերթ նիստերը կարող են հրավիրվել Ղեկավար մարմնի ներկայացուցչի կամ Ղեկավար մարմնի անդամների առնվազն 1/5-ի պահանջով: Ղեկավար մարմնի անդամներն իրենց պահանջը ներկայացնում են Ղեկավար մարմնի ներկայացուցչին կամ տեղակալին: Ղեկավար մարմնի արտահերթ նիստ հրավիրելու պահանջում նշվում են օրակարգի հարցերը և դրանց քննարկման անհրաժեշտության հիմնավորումը: Ղեկավար մարմնի ներկայացուցիչը կամ տեղակալը, ստանալով սույն կետով նախատեսված Ղեկավար մարմնի արտահերթ նիստ հրավիրելու պահանջը, պարտավոր է անհապաղ, բայց ոչ ուշ, քան 3 օրվա ընթացքում հրավիրել Ղեկավար մարմնի նիստ՝ պահանջում նշված օրակարգով: Ղեկավար մարմնի անդամը ողջամիտ ժամկետում պատշաճ ծանուցվում է արտահերթ նիստի օրակարգի, տեղի, օրվա ու ժամի մասին:

7.9. Ղեկավար մարմնի նիստն իրավագոր է, եթե հրավիրվել է Կանոնադրությամբ սահմանված կարգով և նիստին մասնակցում է Ղեկավար մարմնի առնվազն 11 անդամ:

7.10. Ղեկավար մարմինը որոշումներն ընդունում է.

7.10.1. Ղեկավար մարմնի նիստին մասնակցող Ղեկավար մարմնի անդամների ձայների 2/3-ով, եթե այլ բան նախատեսված չէ սույն կանոնադրությամբ:

7.11. Ղեկավար մարմնի նիստի ժամանակ որոշումներն ընդունվում են բաց քվեարկությամբ՝ բացառությամբ Ղեկավար մարմնի ներկայացուցչի թեկնածուի ընտրության: Վերջինս ընտրվում է գաղտնի քվեարկությամբ:

7.12. Ղեկավար մարմնի նիստերը փակ են, եթե Ղեկավար մարմնի կողմից չի կայացվել այլ որոշում: Ղեկավար մարմնի նիստերին կարող են ներկա գտնվել միայն Ղեկավար մարմնի կողմից հրավիրված և Կանոնադրությամբ նախատեսված անձինք:

7.13. Ղեկավար մարմնի որոշումներն ուժի մեջ են մտնում դրանց հրապարակման հաջորդ օրը, եթե այլ բան նախատեսված չէ որոշմամբ:

7.14. Ղեկավար մարմնի նիստի արդյունքներն արտացոլվում են արձանագրության մեջ, որը ստորագրվում է մասնակիցների կողմից:

7.15. Ղեկավար մարմնի նիստերի անցկացման, արձանագրման, որոշումների հրապարակման, պահպանման և գրանցման կարգը սահմանում է Ղեկավար մարմինը:

7.16. Նորընտիր Ղեկավար մարմնի անդամների նիստը գումարվում է ընտրվելուց անմիջապես հետո՝ մինչև Համագումարի ավարտը, որի ժամանակ Ղեկավար մարմնի անդամների կազմից, գաղտնի քվեարկությամբ ընտրվում է Ղեկավար մարմնի ներկայացուցչի թեկնածուն և ներկայացվում Համագումարի քվեարկությանը: Ղեկավար մարմնի անդամների նիստը վարում է տարիքով ավագ անդամը:

- 7.17. Ղեկավար մարմնի ներկայացուցիչն ընտրվում է Համագումարի կողմից՝ առավելագույնը չորս տարի ժամկետով:
- 7.18. Ղեկավար մարմնի ներկայացուցիչը՝
- 7.18.1. հանդիսանում է Ղեկավար մարմնի անդամ
 - 7.18.2. ներկայացնում է Կուսակցությունը.
 - 7.18.3. հարվիրում և վարում է Ղեկավար մարմնի նիստերը.
 - 7.18.4. գործում է առանց լիազորագրի և տալիս է լիազորագիր.
 - 7.18.5. սահմանված կարգով կնքում է պայմանագիր.
 - 7.18.6. բանկում բացում է Կուսակցության հաշվարկային հաշիվ.
 - 7.18.7. պատասխանատու է Կուսակցության բնականոն գործունեությունն ապահովելու համար.
 - 7.18.8. նշանակում և ազատում է Կուսակցության աշխատակազմի աշխատողներին.
 - 7.18.9. Ղեկավար մարմնի հաստատմանն է ներկայացնում Կուսակցության աշխատակազմի աշխատողների ծառայողական լիազորությունների շրջանակը.
 - 7.18.10. Իր իրավասության սահմաններում տնօրինում է Կուսակցության գույքը, այդ թվում՝ ֆինանսական միջոցները.
 - 7.18.11. կազմում է և Ղեկավար մարմնի հաստատմանն է ներկայացնում Կուսակցության տարեկան բյուջեն և ֆինանսական հաշվետվությունը.
 - 7.18.12. Ղեկավար մարմնի հաստատմանն է ներկայացնում Կուսակցության աշխատակազմի հաստիքացուցակը.
 - 7.18.13. իրականացնում է Օրենքով և Կանոնադրությամբ սահմանված, ինչպես նաև Կուսակցության մյուս մարմինների իրավասությանը չվերապահված այլ լիազորություններ:

- 7.19. Ղեկավար մարմնի ներկայացուցչի բացակայության ընթացքում Ղեկավար մարմնի ներկայացուցչի պարտականությունները կատարում է տեղակալը:
- 7.20. Ղեկավար մարմնի անդամը պարտավոր է մասնակցել Ղեկավար մարմնի նիստերին:
- 7.21. Ղեկավար մարմնի անդամներն իրենց պարտականությունները կատարում են առանց վարձատրության:
- 7.22. Ղեկավար մարմնի անդամի լիազորությունները Ղեկավար մարմնի մնացած անդամների միաձայն որոշմամբ դադարում են՝
- 7.22.1. նրա մահվան.
 - 7.22.2. հրաժարականի.
 - 7.22.3. Կուսակցության անդամությունը դադարելու դեպքում.
 - 7.22.4. երկու ամիս անընդմեջ Ղեկավար մարմնի նիստերից ոչ հարգելի պատճառներով բացակայելու դեպքում:
- 7.23. Ղեկավար մարմնի անդամները կարող են խորհրդակցական ձայնի իրավունքով մասնակցել Տարածքային ստորաբաժանման նիստերին:

8. ԱՎԱԳՆԵՐԻ ԽՈՐՀՈՒՐԴԸ

- 8.1. Կուսակցության Ավագների խորհուրդը խորհրդատվական մարմին է:
- 8.2. Ավագների խորհրդի նիստերին կարող են մասնակցել Կուսակցության անդամները:
- 8.3. Ավագների խորհրդի նիստը գումարվում է Ղեկավար մարմնի որոշմամբ սահմանված օրերին և ժամերին, բայց ոչ պակաս, քան ամիսը մեկ անգամ:
- 8.4. Ավագների խորհրդի նիստերին Ղեկավար մարմնի անդամների առնվազն 1/3-ի, իսկ Վերահսկող հանձնաժողովի անդամների առնվազն 1/5-ի մասնակցությունը պարտադիր է:

8.5. Ավագների խորհուրդը քննարկում է ընթացիկ, քաղաքական, առաջիկա ընտրություններին Կուսակցության մասնակցությանը վերաբերող և այլ օրակարգային հարցեր:

8.6. Ավագների խորհրդի նիստերը վարում է Ղեկավար մարմնի ներկայացուցիչը կամ Ղեկավար մարմնի ներկայացուցչի տեղակալը:

9. ՏԱՐԱԾՔԱՅԻՆ ՍՏՈՐԱԲԱԺԱՆՄԱՆ ՍՏԵՂԾՄԱՆ, ԳՈՐԾՈՒՆԵՈՒԹՅԱՆ ԵՎ ԴԱԴԱՐԵՑՄԱՆ ԿԱՐԳԸ

9.1. Տարածքային ստորաբաժանումները ստեղծվում են տարածքային հատկանիշով՝ Հայաստանի Հանրապետության մարզերում և Երևան քաղաքում:

9.2. Տարածքային ստորաբաժանումը ստեղծվում և լուծարվում է Ղեկավար մարմնի որոշմամբ:

9.3. Տարածքային ստորաբաժանման ղեկավար և վերահսկողություն իրականացնող մարմնի լիազորությունները սահմանում է Ղեկավար մարմինը:

9.4. Տարածքային ստորաբաժանումն ունի Տարածքային ժողով:

9.5. Անհրաժեշտության դեպքում կարող է ստեղծվել նաև Տարածքային Ավագների խորհուրդ:

9.6. Տարածքային կազմակերպության գործունեության կարգը սահմանում է Ղեկավար մարմինը:

9.7. Տարածքային ստորաբաժանման ղեկավարը նշանակվում է Ղեկավար մարմնի կողմից չորս տարի ժամկետով, ով ղեկավարում է տարածքային ստորաբաժանումը, մինչև նշված ժամկետի լրանալը տարածքային ստորաբաժանման ղեկավարի լիազորությունները կարող են դադարեցվել Ղեկավար մարմնի պատճառաբանված որոշմամբ:

**10. ԿՈՒՍԱԿԳՈՒԹՅԱՆ ԱՆԴԱՄՆԵՐԻ ՆԿԱՏՄԱՄԲ ԿԻՐԱՌՎՈՂ
ԿԱՐԳԱՊԱՀԱԿԱՆ ՊԱՏԱՍԽԱՆԱՏՎՈՒԹՅԱՆ ՄԻՋՈՑՆԵՐԸ, ԴՐԱՆՑ
ՀԻՄՔԵՐՆ ՈՒ ԿԱՐԳԸ, ԴՐԱՆՔ ԿԻՐԱՌՈՂ ԻՐԱՎԱՍՈՒ
ՄԱՐՄԻՆՆԵՐԸ**

10.1. Կուսակցության անդամների նկատմամբ կիրառվող կարգապահական պատասխանատվության միջոցներն են՝

ա) նախազգուշացում

բ) նկատողություն

գ) կուսակցության անդամության դադարեցում

10.2. Կուսակցության անդամների նկատմամբ կիրառվող կարգապահական պատասխանատվության միջոցներ կարող են կիրառվել կուսակցության ղեկավար մարմնի կողմից հաստատված ներքին կանոնների խախտման դեպքում:

10.3. Կուսակցության անդամների նկատմամբ կիրառվող կարգապահական պատասխանատվության միջոցներ կիրառում է ղեկավար մարմին՝ տարածքային ստարաբաժանման կամ իր նախաձեռնությամբ: